


I buku rĩa Ngai kũrĩa ciana  
nĩrĩrakũrehera

Danieli ũrĩa  
Wanyitĩitwo



Rwandĩkĩtwo nĩ: Edward Hughes

Rũthathaũrĩtwo nĩ: Jonathan Hay; Alastair P.

Rũharĩrĩirio nĩ: Mary-Anne S.

Rũtaũrĩtwo nĩ: Stephen Kimani

Rũtungĩtwo nĩ: Bible for Children

[www.M1914.org](http://www.M1914.org)

©2026 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.




Danieli na araata aake atatũ maikaraga I siraeli. Mũthenya ũmwe mũthamaki mũnene agĩũka kwao na agĩkuua anake arĩa othe maarĩ oogĩ agĩthĩĩ nao bũrũriinĩ waao. Mũthamaki ũcio aarĩ na rĩĩtwa iraihu mũno- Nebukadinezaru- na aikaraga bũrũri wa kũraya wetagwo Babuloni.



Anake acio nĩmatugirwo wega kũu Babuloni.  
Mũthamaki nĩathurĩite anake arĩa oogĩ na eega  
makĩrĩa kuuma thĩ yothe. Abangĩite kũmathomithia  
rũthiomi rwa andũ a Babuloni nĩguo matwĩke  
ndungata ciake na mamũteithagia gũtoongoria.




Ona irio cĩarĩ njega. Anake acio marĩaga irio iria mũthamaki arĩaga. No Danieli hamwe na araata aake matiendaga kũrĩa irio icio nĩũndũ nĩciarutĩirwo ngai ingĩ itarĩ cia ma. Danieli nĩehĩtĩite atĩ gũtirĩ hĩndĩ angĩekire ũndũ mũgarũ na Ngai. Ngai wa I siraeli niathĩite andu ake matigetukanie na ngai itarĩ cia ma kana cia mũhianano.



Danieli akĩũria mũndũ ũrĩa wamũrũgamĩrĩire  
amwĩtĩkĩrie ndakaarĩe irio cia mũthamaki.  
Mũthamaki angĩamenyire ũguo nĩangĩarakarire mũno.  
No Ngai nĩatumĩite mũndũ ũcio amũende mũno.




Agĩĩtĩkĩra kũhe Danieli na araata aake kĩgeranio. Gwa kahinda ga thikũ ikũmi marĩe mboga theri na manyue maaĩ matheri. Thuutha wa thikũ ikũmi Danieli na araata aake moonekaga marĩ na ũgima mwega wa mwĩrĩ gũkĩra anake acio angĩ marĩaga irio cia mũthamaki. Kwoguo magĩĩtĩkĩrio gũthĩĩ na mbere kũrĩa mboga na maaĩ.




Anake aya nĩmatĩite Ngai. Na Ngai akĩmatĩia. Ngai akĩmahe ũũgĩ na ũhoti maũndũinĩ marĩa meerutaga, na Danieli akĩgĩa na ũũgĩ wa gũtaũkwo cioneki na irooto ciothe.





Thuutha wa mĩaka ĩtatũ ya thukuru kũu Babuloni, anake acio othe magĩtwarwo kũrĩ mũthamaki Nebukadinezaru. Agĩcagũra Danieli na araata aake atatũ arĩ o eega gũkĩra othe. Ona mũthamaki akĩmenya atĩ Danieli nĩ aarĩ na ũũgĩ gũkĩra oogĩ oothe a ũthamaki wake.



Ūtukū ūmwe, mūthamaki akīgĩa na kīrooto kīūru.  
Agĩta arogi othe, oogĩ a njata na ūragūri mooke  
marūūgame mbere yake. Mūthamaki akiuga,  
“Nindīrarotire kīrooto, na roho wakwa nīūrenda  
kūmenya kīrooto gĩkĩ.”


Andū acio oogĩ magĩcookia,  
“E mūthamaki, Ūrotūūra  
tene na tene! Īra  
ndungata ciaku  
kīrooto, na  
nītūgūkwīra  
ūrĩa kiugĩite.”




Mũthamaki agĩcookia, "Aca! Nomũhaka mũnjĩire ũrĩa ndĩrarootire na ũrĩa kiugĩite. Mwaremwo, mũgũtinangio tũcuunjĩ na nyũmba cianyu icinwo!" Mũthamaki agĩthĩ na mbere kuuga, "No mwanjĩira kĩrooto kũ na ũrĩa kiugĩite mũkũheeo iheeo na gĩtĩyo kĩnene." Hatarĩ nganja gũtirĩ ũngĩerire mũthamaki kĩrooto gĩake.



Andũ acio oogĩ a mũthamaki makĩmwĩra, "Gũtirĩ Mũndũ gũũkũ thĩ ũngĩhota gwĩka ũguo ũrauga. No ngai cingĩhota gwĩka ũguo, nacitiikaraga gũũkũ thĩ." Mũthamaki akĩrakara mũno na agĩathana, "Andũ othe oogĩ a Babuloni moragwo!"



Rĩrĩa thigari ciokire kũrĩ Danieli, akĩĩra Arioku mũnene wa thigari, "Mũthamaki arooraga oogĩ othe nĩkĩ?" Arioku akĩĩra Danieli maũndũ mothe marĩa mekĩkĩite. Danieli agĩthĩĩ kuona mũthamaki. Akĩmwĩra amũhe kahinda kangĩ nĩguo eere mũthamaki ũrĩa kĩrooto kũu kĩaugaga.



Danieli agĩthĩ nyũmbainĩ na akĩira  
maũndũ macio kũrĩ araata aake  
Shadiraka, Meshaka na Abedinego.  
Danieli ndaamenyaga kĩrooto kũ  
kana ũrĩa kĩaugaga, no nĩoĩ Mũndũ  
ũrĩa ũmenyaga maũndũ mothe.  
Mũndũ ũcio nĩ Ngai. Kwoguo  
Danieli na araata aake makĩhooya.





Ngai akĩonia Danieli kĩrooto kũu na ũrĩa kĩaugaga.  
Danieli akĩrathima Ngai wa matuinĩ, akiugaga,  
“Rathima rĩitwa rĩa Ngai tene na tene, Nĩũndũ ũũgĩ  
na hinya nĩciake.” Danieli akĩhanyũka kũrĩ mũthamaki  
akĩmwĩra, “Nĩkũrĩ Ngai matuinĩ ũrĩa ũhithũragia

thiri.” Akĩira mũthamaki ũrĩa  
aroteete na  
ũtaũri wa kĩa.



Rĩrĩa mũthamaki Nebukadinezaru aiguire kĩrooto na ũtaũri wakĩo, akĩgũa mbere ya Danieli na akiuga, “Nĩ ma Ngai waku nĩ Ngai wa ngai, na Mwathani wa Athamaki, na nĩwe ũhithũragia thiri , nĩũndũ nĩwahithũrĩria thiri!” mũthamaki agĩtua Danieli Mũndũ mũnene, na akĩmũhe iheeo nene. Akĩmũtua mũtongoria wa Babuloni yothe, na mũnene wa andũ othe oogĩ a Babuloni.



Danieli ũrĩa Wanyitĩtwo


Rũgano kuma Kiugoinĩ kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩinĩ wa

Danieli 1-2

“Ciugo Ciaku ciatarĩrio nĩrehaga ũtheri.”  
Thaburi 119:130





Mãico



31



60



Rũgano rŭrũ, rŭrĩa rumĩte Ibukuinĩ rĩa Ngai,  
rŭratũmenyithia igŭrũ rĩa Ngai witũ wa magegania,  
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.  
Mũcara wa mehia nĩ gĩkuũ, no Ngai nĩakwendete mũno makĩria  
nginya agĩtũma Mŭrũ wake wa mũmwe, Jesũ, nĩguo oragwo  
mũtharabainĩ na aherithio nĩtondũ wa mehia maku. Nĩacokire  
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie  
akuohere mehia maku, nĩegwĩka ũguo! Nĩegũka na atũre thĩiniĩ  
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:  
Mwendwa Jesũ, nĩndetĩkia atĩ wĩ Ngai, na nĩwatuĩkire  
mũndũ nĩguo ũkue nĩtondũ wa mehia makwa, na rĩu wĩ muoyo.  
Nĩndakũhoya ũũke mũtũrĩreinĩ wakwa na ũnjohere mehia makwa,  
nĩguo kuma rĩu, ngĩe na muoyo mwerũ, na mũthenya ũmwe ngoka  
ndũranie nawe tene na tene. Ndeithia gũgwathĩkagĩra na  
gũgũtũrĩra ta mwana waku. Nĩgũtuĩke ũguo.

Thoma I buku rĩa Ngai na waranagĩrie nake o  
mũthenya o mũthenya! Johana 3:16

